



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.134/2025

Paneli Zgjedhor për Ankesa dhe Parashtresa (PZAP), i përbërë nga gjyqtarët: Skender Çoçaj - kryesues, Arsim Hamzaj dhe Kymete Kicaj- anëtarë, duke vendosur përkitazi me ankesën e subjektit politik Partia Rome e Bashkuar e Kosovës PRBK e parashtruar nga Albert Kinolli, me seli në Prizren, të paraqitur kundër subjektit politik Lëvizja Parlamentare e Romëve të Kosovës (LPRK), me seli në Prizren, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë Fushatës Zgjedhore për Zgjedhjet Lokale në Republikën e Kosovës, në seancën e panelit të mbajtur më 10.10.2025, merr këtë,

V E N D I M

I. Pranohet si e bazuar ankesa subjekti politik Partia Rome e Bashkuar e Kosovës PRBK me seli në Prizren, ZL.Anr.134/2025 e datës 08.10.2025.

II. Subjektit politik Lëvizja Parlamentare e Romëve të Kosovës (LPRK), me seli në Prizren, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjorbë në lartësi prej 500.00 euro, (pesëqindë).

III. Detyrohet Subjektit politik Lëvizja Parlamentare e Romëve të Kosovës (LPRK), me seli në Prizren, që gjorbën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datën 08.10.2025, PZAP-i, ka pranuar ankesën e identifikuar me numër ZL.Anr.134/2025, nga Partia Rome e Bashkuar e Kosovës PRBK e parashtruar nga Albert Kinolli, me seli në Prizren, me te cilën pretendon se më datën 07.10.2025 rreth orës 19:00, subjekti politik Lëvizja Parlamentare e Romëve të Kosovës (LPRK), me seli në Prizren, ka mbajtur tubim elektorale në Komunën e Prizrenit respektivisht në lagjen “Jeta e re”.

Sipas parashtruesit të ankesës ky tubim është mbajtur në kundërshtim me Ligjin për Zgjedhjet e Përgjithshme në Republikën e Kosovës, përkatësisht neni 33 pika3, 4 duke mos paralajmëruar tubimin.

Si dëshmi ka bashkangjitur fotografi të postimit të tubimit në rrejtin social facebook.

PZAP-i më datë 08.10.2025 i ka dërguar kërkesë për përgjigje Subjektit politik Lëvizja Parlamentare e Romëve të Kosovës (LPRK), me seli në Prizren, mirëpo e njëjta nuk ka dorëzuar përgjigje brenda afatit të paraparë deri më 09.10.2025 në ora 14:00.

PZAP-i ka Kërkuar njoftim nga KQZ në mënyrë që të verifikohet nëse subjekti politik LPRK ka njoftuar KKZ-në në Prizren, se dëshiron të organizojë një tubim politik në lagjen Jeta e re në Prizren me datën 07.10.2025 në ora 19:00

Komisioni Qendror i Zgjedhjeve (KQZ), në njoftimin e datës 09.10.2025, lidhur me ankesën Anr.134/2025, të datës 09.10.2025, të parashtruar nga subjekti politik Partia Rome e Bashkuar e Kosovës, të cilët pretendojnë se me datën 7 tetor 2025, Lëvizja Përparimtare e Romëve të Kosovës (LPRK), në Komunën e Prizrenit në Lagjen “Jeta e Re” në Prizren, ka mbajtur tubimin elektorale për zgjedhjet lokale 2025, pa njoftuar Komisionin Komunal të Zgjedhjeve (KKZ) në Prizren, si dhe pa dorëzuar formularin për njoftim për tubim. Sekretariati i KQZ, me datën 09.10.2025 ka kërkuar informata nga KKZ-ja e Komunës së Prizrenit, lidhur me pretendimet e parashtruesit të ankesës. Në njoftimin e KKZ-së së Prizrenit me datë 09.10.2025 në ora 13:47 përmes email-it, KQZ është njoftuar se subjekti politik LPRK nuk e ka njoftuar KKZ-në se dëshiron të organizojë një tubim politik në lagjen Jeta e re në Prizren me datën 07.10.2025 në ora 19:00.

Më tej në KQZ njofton se subjekti politik Lëvizja Përparimtare e Romëve të Kosovës nuk ka vepruar në pajtim me nenin 4 paragrafin 3 të Rregullores Zgjedhore Nr, 07/2024 për Fushatën e Zgjedhjeve, Monitorimin e Fushatës së Zgjedhjeve dhe Deklarimin Financiar.

Paneli, pasi që shqyrtoj ankesën, njoftimin e KQZ, informatën nga KKZ-ja e Komunës së Prizrenit dhe provat të cilat gjinden në shkresat e lëndës në kuptim të nenit 117 paragrafi 3 të LZP-së, dhe vëren se ankesa e ankueses është e bazuar.

Paneli, pas shqyrtimit të shkresave të lëndës të ofruara si provë materiale, të cilat janë ofruar nga Albert Kinolli, nga subjekti politik Partia Rome e Bashkuar e Kosovës PRBK me seli në Prizren, dhe përgjigjes së KQZ-së, vëren se kryetari i subjektit politik, Lëvizja Parlamentare e Romëve të Kosovës (LPRK), me seli në Prizren, më datë 07.10.2025 rreth orës 19:00, në Komunën e Prizrenit, konkretisht në Lagjen “Jeta e Re” në Prizren, ka mbajtur tubimin elektorale për Zgjedhjet Lokale 2025, pa njoftuar Komisionin Komunal të Zgjedhjeve (KKZ) në Prizren, si dhe pa dorëzuar formularin për njoftim për tubim.

Paneli vlerëson se ankesa është e bazuar, sepse mbajtja e tubimit elektorale pa njoftim është në kundërshtim me nenin 4 paragrafin 3 i Rregullores Zgjedhore Nr, 07/2024 për Fushatën e Zgjedhjeve, Monitorimin e Fushatës së Zgjedhjeve dhe Deklarimin Financiar. sipas të cilës: *“Subjekti politik i certifikuar që dëshiron të organizojë një tubim politik, duhet ta dorëzojë përmes email-it, formularin për njoftim për tubim në Komisionin Komunal të Zgjedhjeve (KKZ), shtojca I -Formulari për Tubimet Publike, jo rënë vonë se: 3.1. Njëzetë e katër (24) orë para kohës kur është planifikuar mbajtja e tubimit me më pak se dyqind (200) pjesëmarrës;*

Sipas Panelit, Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politike të jenë në një atmosferë të tolerancës demokracisë, paqes dhe respektit për sundimin e ligjit.

Prandaj, Paneli vëren se mbajtja e tubimit elektoral pa paralajmërim në KKZ është në kundërshtim me Kodin e Mirësjelljes për Subjektet Politike, Mbështetësit e tyre dhe Kandidatët, ku janë të përcaktuara veprimet e ndaluara të subjekteve politike përkatësisht, 4 paragrafin 3 dhe nën paragrafët 3.1 dhe 3.2 të Rregullores Zgjedhore Nr, 07/2024 për Fushatën e Zgjedhjeve, Monitorimin e Fushatës së Zgjedhjeve dhe Deklarimin Financiar.

Paneli, me rastin e vendosjes së lartësisë së dënimit si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes.

Nga arsyet e theksuara me lart, e në kuptim të nenit 33 pika 3 dhe 4., nenit 118 paragraf 1 dhe nenit 120 paragrafi 1 nën paragrafi 1.3 të LZP-së, neni 13.2 i për Procedurat e parashtrimit dhe Vendosjes së Ankesave, vendosi si në dispozitiv të këtij vendimi.

Paneli Zgjedhor për Ankesa dhe Parashtresa
ZL.Anr.134/2025 datë 10.10.2025

Kryesues i Panelit
Skender Çoçaj



Këshilla Juridike: Kundër këtij vendimi nuk është e lejuar ankesa sipas nenit 118 paragrafi 4 të LZP-së.